

Headline	Skwad hoki OFA masih berbisa		
MediaTitle	Harian Metro		
Date	24 May 2016	Language	Malay
Circulation	1,270,667	Readership	3,812,000
Section	Arena	Page No	57
ArticleSize	97 cm ²	Journalist	Rudy Syareme
PR Value	RM 11,464		



Skwad hoki OFA masih berbisa

Rudy Syareme Sheriffudin
sukan@hmetro.com.my

Georgetown: Pasukan bekas pelajar Old Free's Association (OFA) masih terus berbisa apabila berjaya mengalahkan Penang Free School (PFS) 3-1 pada Kejohanan Hoki Tenaga Nasional Berhad (TNB) Liga Pulau Pinang 2016 di Stadium Hoki, Universiti Sains Malaysia (USM), baru-baru ini.

Keunggulan pasukan yang diketuai Ezuan Ghazali itu begitu mantap apabila berjaya menjinakkan PFS biarpun dikejutkan dengan jaringan pembukaan pada minit ke-20 hasil jaringan Rizalnaim Hasan.

Tersentak dengan jaringan pertama itu, OFA terus bangkit melakukan serangan demi serangan dari segenap penjuru padang dan hasilnya Asrul Azrin Oman berjaya menjaringkan gol penyamaan pada minit ke-34.

Pengalaman ternyata

membuktikan kejaguan OFA apabila menambah gol kedua pada minit ke-35 hasil jaringan Ismarul Nizam Ismail dan gol kemenangan pada minit ke-42 hasil jaringan Mohd Danir Haron.

Ezuan berkata, kemenangan OFA pada perlawanan ini sebenarnya memberi penyuntik semangat buat pasukan itu sebagai persediaan awal menghadapi Karnival Sukan Ulangtahun ke-200 PFS pada 28 dan 29 Mei ini.

"Antara pasukan hoki yang akan tampil termasuk OFA, PFS, Kolej Sultan Abdul Hamid, Sekolah Menengah Kebangsaan (SMK) Anderson, Ipoh, SMK Tinggi Melaka, SMK Tunku Besar Tampin, Negeri Sembilan, Maktab Sultan Abu Bakar dan The Anderson Club, Ipoh," katanya.

Ezuan berkata, sokongan moral dari semua bekas pelajar OFA dapat memeriahkan lagi kejohanan ini selain dapat merapatkan lagi hubungan bekas pelajar.